

## **Öde van dienst Asselt 11 juni 2023 10.00 uur**

**Welkom:** olderlink

**Zingn:** Psalm 84: 1, 2, 3 (stoan) 'Oe lieflijk, oe goed is mi-jn Heer')

1. Oe lieflijk, oe goed is m-jn Heer,  
et uus woar le oen naam en eer  
wil loaten wonen bi-j de mensen.  
oe brand ik van verlangen veur  
Oen eiligdom-m en Oen geur.  
Wat zol mi-jn àrte liéver wensen  
dan det et juichend Em ontmoet,  
die leevn gef en leevn voedt.
2. De goed-eid die Oen altaar draagt  
beskàrmt en koestert die 't be'aagt.  
De mus, de zwaluw ef een woning.  
Eur jongn bint in veilig-eid.  
Mi-j is een skuulplaas veurbereid  
in et paleis van Oe, mi-jn Koning.  
Eil zi-j die toevm an Oen of  
Zich iéngaal wijdn an Oen lof.
3. Want God de Heer zo goed zo mild  
bestroalt as zonne, wàrkt as skild,  
zal in genoade ons ver-ogen.  
Zien and ont-oaldt et goeie niet  
an wie oprecht Em ulde biedt  
en eerlijk wandelt veur zien o-ong.  
Heer, die et al in anden ef.  
welzalig die zich an Oe gef.

**Stille ween:**

**Vertrouwm en Groetn**

**Zingn:** Psalm 133: 1, 3 ('Kom, zie oe goed, oe lieflijk is 't as mensen')

1. Kom, zie, oe goed, oe lieflijk is 't as mensen  
Uut 't zelde uus mekaar et beste wensen,  
in vrede bi-j mekare bin.  
Et is as ölie, kostbaar en vol zin,  
det noar Gods eilig veurskrift is bereid  
woarmet de priester wordt e-wijd.

Woar liefde woont gef onze Heer zien zeeëng  
Doar woont I-Jzelf, ier wordt zien eil verkreëng  
En leevn tut in eeuwig-eid.

## Beliedenis van et geleuf.

Ik geleuve in God onze Va, de almachtige Heer  
Skepper van de hemel en de aarde  
En in Jezus Christus zien enig geboorn zönne  
onze Here, die ontvangn is van de eilige Geest  
geboorn uut de maagd Maria.  
Die eleden ef onder Pontius Pilatus,  
Is ekruisigd, estörvm en begraamm  
Daaldn of noar et dodenriek  
En noa drie daang weer op-estoan uut de dood.  
Is op-esteeëng noar de emel  
Zit an de rechterhand van God de almachtige Va,  
Vanwoar i-j kump umme te oordeeln de leemtigen en de doden  
Ik geleuve in de eilige Geest  
Ik geleuve iéne eilige, algemiene, christelijke kàrreke,  
de gemienskap der eilign, vergeving van 't kwoad,  
wederopstanding van 't lichaam en een eeuwig leemm.

Kloar.

**Zingn:** ELB 382: 2 coupletten ('Heer Oen licht en Oen liefde skienen')

1. Heer Oen licht en Oen liefde skiéne,  
woar le bint zal de nacht verdwiéne.  
Jezus, licht van de wereld verni-j ons.  
Leemtig woord, ja Oen woar-eid bevri-ijdt ons.  
Skién in mi-j, skién deur mi-j.

Refrein

Kom, Jezus, kom,  
maak dit land tut Oen koningkriek.  
Kom Eil'ge Geest, stort op ons Oen vuur.  
Stuur Oen rivier, loat Oen goed-eid d'aard volmaken.  
Roep Heer, Oen woord,  
det et licht overwint.

3. Stoan wi-j oog in oog met Oe, Heer,  
daalt Oen stroalende licht op ons neer,  
zichtbaar, vuulbaar maak le in ons leven  
ons oe kiend, as wi'j ons now maar geven.  
Skien in mi-j, skien deur mi-j.

Refrein

Kom, Jezus, kom,  
maak dit land tut Oen koningkriek.  
Kom Eil'ge Geest, stort op ons Oen vuur.  
Stuur Oen rivier, loat Oen goed-eid d'aard volmaken.  
Roep Heer, Oen woord,  
det et licht overwint.

## ***Gebed bi'j 't lösdoen van de Biebel***

### **Eerste stukkien leezen uut de Biebel: Genesis 43: 23-32 vertaald**

En de dienaar zei: “ 't Is allemoale goed. Weest mar niet bange. Want ik eb et geld wel ekreeëng. Oen God en de God van oen va mut det geld in de zak edoan em”. Toen liet de dienaar Simeon aaln en i-j liet de breurs binn in 't paleis en gaf ze water umme de voéten te wassn. I-J liet un ezels voern. De breurs legdn un geskenkn veur Jozef kloar, want zie addn eurd det ze smiddes met Jozef zolln eetn.

Toen Jozef thuis kwam, gaam de breurs un geskenkn an em. Ze maaktn een ele diépe buuëging veur um, oaste met de neüze an de grond. Jozef vreuëg: “Hoe goat 't met jullie? De veurige keer em jullie mi-j verteld over oen olde va. Is e goed te passe? Lèèft? e nog?” De breurs antwoordden: “Oen dienstknecht, onze va, is goed te passe. I-J lèèft nog”. En ze maaktn nog iénmoal? een diépe buuëging.

Toen zag Jozef zien breur Benjamin stoan, de andere zönnne van zien moe. I-J vreuëg: “Is det jullie jongste breur oaver wie jullie 't teeëng mi-j ad em?” En i-j zei teeëng Benjamin: “God zal goed veur oe ween, mien jonge”. Toen mos Jozef rap maakn det e vutkwam, want bi-j 't zien van zien bruur vuuln e det ie mos jankn. I'J liep rap vut noar een andere kamer. Doar skreiden e en doarnoa wassn e zien gezichte en ging weer terugge.

Now was Jozef weer rustig. Hij zei teeëng zien dienaar det ze 't eetn binn mossn brengn. De dienaar brachtn Jozef et eetn an zien eeëng toafel. De bruurs zattn ampant an een andere toafel. D'r waarn ook Egyptenaar bi-j 't eetn anwezig, die addn ampant een eeëng toafel want Egyptenaar vunn 't ofskuwelijk umme an iéne toafel te zittn met Hebreëers.

**Zingn:** Hemelhoog 57: 5 ('God ef alles ummekeerd')

God ef alles ummekeerd:  
Jozef wordt as vorst vereerd.  
En et kwoaie valt in duuëng.  
En de breurs die mutten buuëng.  
Zo oalddt God deur Jozefs and  
't volk van Israël in stand.

### **Twiede stukkien leezen uut de Biebel: Lukas 14: 12-14**

En Jezus zei teeëng de man die em uut-eneudigd ad: “Stel dè-j' mensn uutneudign umme smiddes of soams bi-j oe te koomm eetn. Vroag dan niet oen vriendn, oen familie of oen rieke buurn. Want die kun ook oe weer trugge neudign umme bi-j hunnie te koomn eetn; umme 't zo weer liek met oe te trekkn.

A-j echt een feestmaol willn oaln, neudig dan arreme mensn uut, kreupeln, zwàrrevers en bedelaars. Ie zulln d'r gelukkig met ween, want die mensn kun niks veur oe trugge doen. Doarumme zal God oe beloonn, op de dag det de goeie mensen opstoan uut de dood. Ie krieëng 't bi-j d' opstanding van de rechtveerdign weer trugge”.

**Zingn:** Opwekking 520: 1, 2, 4 ('Wees mien verlangen, o Heer van mi-jn ärt)

1. Wees mi-jn verlangen, o Heer van mi-jn ärt,  
leer mi-j Oe kennen in vreugde en smart.  
Loat mi-jn gedachten op Oe ween gericht.  
Wàrkend of sloapend, vervuld van oen licht.
2. Gèèf mi-j Oen wies-eid; Oen woorden van eer,  
As ik in Oe bin, bin ie in mi-j Eer?  
Ie as mien Va en ik as Oen kind  
det in Oen arrems gebörgen-eid vindt.
4. Wat e'k an mi-jn riekdom of eer van een mens,  
Bi-j Oe te wonen is al wat ik wens.  
Met as beloning dat ik op Oe liek.  
Emelse koning, pas dan bin ik riek.

**Prakkezoasies** Thema: A'j dialect proatn, smàk 't eetn anders.

Veurspöln. **Zingn:** Evangelisch liedboek 376: 1, 2 ('Abba Vader')

Abba, Va, Oe alleent,  
Oe be-eur ik toe.  
Eer, Ieje kent mi-j deur en deur,  
't àrte eurt Oe toe.  
Oald mi-jn àrte brandend Eer,  
Ieje loat nooit allenig.  
Abba, Va,'k eure oe,  
Oe, allenig toe.

Abba, Va, loat 't zo ween,  
de'k der bin veur Oe.  
Det, wa'k doe Oen wille is,  
Oen en anders niet.  
Loat mi-j nooit doovm Eer,  
Loat mi-j nooit meer goan  
Abba, Va, loat et zo ween,  
De'k der bin veur oe.

**Veurbeedn** (of-ewisseld met zingn Opwekking 125: 2, 3, 4 'Met Oen liefde, Heer')

2. Met Oen liefde, Heer,  
kom mi-j tegemoet,  
now ik mi-j tot Oe keer,  
En maak alles goed.
3. Zie mi-j veur Oe stoan,  
zundig en eel klein.  
O, Jezus, loat mi-j goan  
gezond en weer rein.

4. Jezus, open deurn,  
le gèèm mi-j weer oap.  
le lèèm en le ver-eurn.  
Mien bede tot

Oe.

### **Zàkkien**

**Zingn:** Gezang 978: 2, 4 (stoan) ('Oen Woord röp ni-j lèèm wakker')

2. le roept et jonge lèèm wakker,  
een tuin bluuit rond et oopm graf.  
Doar wappert koren op de akker,  
woar zich et zoad verleurn gaf.  
En völle körrels vormm saam  
een kostbaar brood in Godes naam.
4. Loat dan mi-jn àrt Oe toebe-euren  
en loat mi-j deur de wereld goan  
met oopm oong en oopm oren  
umme Oen tekens te verstoan.  
Dan is et aardse lèèvm goed,  
Umdet et emelsbrood ons voedt

### **Zeeëng**

**Zingn** as Aamm: Gezang 425 (stoan) ('Vervuld van Oen zegen')

Vervuld van Oen zeeëng  
goan wi-j onze weeëng  
van ier uut dit uus,  
woar Oen stem is e-eurd.  
In Christus geborgen,  
bin wi-j zonder zorgen  
op weg in een wereld  
die wacht op Oen woord.  
Um doar in ge-noade  
et woord teeëng et kwoade  
te zeien tut diép in et donkerste dal  
Deur liefde e-dreemm  
um wie met ons leemm  
Oen zee-ëng te brengn  
die vrucht draang zal.

